



TRANSFORMING CITY BUS SERVICES

Project Ireland 2040  
Building Ireland's Future

Ráth Fearnán > Lár na Cathrach  
Conair Bus Lárnoch  
An Bealach is Dealraithí a Roghnófar  
Comhairliúchán Poiblí Samhain 2019





# Clár an Ábhair



<b>1. Réamhrá</b>	<b>2</b>
1.1 Cúrla	2
1.2 Cén fáth a bhfuil gréasán chonair bus lárnach ag teastáil ó Bhaile Átha Cliath?	3
1.3 Cad é BusConnects Bhaile Átha Cliath?	5
1.4 Cad iad na buntáistí a bhaineann leis an tionscadal seo?	6
1.5 Cad é atá i gceist le tionscadal na gconairí bus lárnacha?	8
<b>2. An Bealach is Dealraithí a Roghnófar</b>	<b>10</b>
2.1 An Bealach is Dealraithí a Roghnófar do Ráth Fearnán go Lár na Cathrach	10
2.2 Achoimre ar an gconair ó Ráth Fearnán go Lár na Cathrach	10
2.3 Príomhfhíricí	14
<b>3. Dúshlán agus Maolaithe</b>	<b>16</b>
3.1 Na Dúshláin	16
3.2 Tionchair Fhéideartha	16
3.3 An dóigh ar a thabharfaimid aghaidh ar na dúshláin sin	17
<b>4. An Próiseas chun an Talamh a Pháil</b>	<b>20</b>
4.1 An dóigh a rachaidh an tionscadal chun cinn	22
<b>5. Páirt a ghlacadh sa chomhairliúchán poiblí</b>	<b>24</b>
5.1 Tailte a d'fhéadfadh tionchar imirt orthu	24
5.2 Ceisteanna ginearálta	24
5.3 Páirt a Ghlacadh	24
<b>6. Aguisíní</b>	<b>26</b>
6.1 Treoirléarscáil	27
6.2 Léarscáileanna bealaigh	29

# 1. Réamhrá

## 1.1 Cúlra

I Meitheamh 2018, d'fhoilsigh an tÚdarás Náisiúnta Iompair (NTA) Tuarascáil Thionscadal na gConairí Bus Lárnacha. Is pléidhoiciméad an tuarascáil sin a achoimrionn tograí maidir le cur i gcrích ghréasán conairí bus lárnacha ar fud Bhaile Átha Cliath. Leagann sé amach an fhís le haghaidh foráil 230km de lánaí bus tiomnaithe agus 200km de lánaí/raonta rothar ar shé chonair bus déag.

### Lánaí bus agus raonta rothar leanúnacha



As féin, in Iúil 2018 chuir an tionscadal darbh ainm **Athdhearadh ar Ghréasán Bus Bhaile Átha Cliath**, arb ionann é agus athdhearadh ar sheirbhísí bus, túis lena chéad chéim comhairliúcháin phoiblí. Roimh dheireadh Mheán Fómhair, fuarthas timpeall is 30,000 iarratas, lena n-áirítear achainíocha sínithe agus freagraí ar shuirbhéanna ar líne. Sna míonna atá romhainn déanfar athbhreithniú agus measúnú ar na hiarratais seo ar fad. Tar éis an phróisis sin, foilseofar dearadh gréasáin leasaithe i rith 2019 le haghaidh an dara comhairliúchán poiblí. Tátar ag síul leis go gcuirfear i bhfeidhm an gréasán deiridh i 2020. Is féidir an t-athdhearadh gréasáin a chur i bhfeidhm ar an ngréasán bóthair atá ann cheana le roinnt feabhsaithe ag príomhláithreacha acomhail.

Ina dhiaidh sin, tarlóidh an comhairliúchán poiblí do na sé chonair bus lárnach ghathach dhéag ar bhonn céimníthe ó Mí na Samhna 2018 go Mí na Bealtaine 2019. Pléifidh gach céim le lón áirithe conairí agus glacfar le tuairimí fúthu thar thréimhse roinnt míonna. Feidhmeoidh na céimeanna comhairliúcháin phoiblí seo mar chéad chéim i bpróiseas teagmhála agus cumarsáide mionsonraithe. Tarlóidh na nithe seo ar fad sula roghnaítear an dearadh mionsonraithe deiridh agus sula gcuirtear iarratas isteach ar chead pleinála.

Is doiciméad amháin é seo de shraith sé dhoiciméad déag, gach ceann tiomnaithe do phríomhchonair bus ar leith. Soláthraíonn an doiciméad cur síos scríofa ar an mbealach is dealraithí a roghnófar ó thuis go deireadh le léirscáileanna bealaigh tacaíochta. Míníonn an doiciméad go mion an próiseas rannpháirtíochta agus comhairliúcháin d'úinéirí réadmhaoine agus don phobal go ginearálta a d'fhéadfadh tionchar imirt orthu. Tugann sé achoimre freisin ar phróiseas pleinála agus tógála thionscadal na gconairí bus lárnacha lena n-áirítear an sceideal tuartha.

## 1.2 Cén fáth a bhfuil gréasán chonair bus lárnacha ag teastáil ó Bhaile Átha Cliath?

➤ **Brú tráchta** – Is é brú tráchta ceann de na dúshláin is suntasaí atá os comhair réigiún Bhaile Átha Cliath agus caithfear dul i ngleic leis chun fás réigiún Bhaile Átha Cliath a chosaint agus daoine a choinneáil ag bogadh. Agus Éire ag teacht as an gcúlú eacnamaíochta tá ardú suntasach i lón na ndaoine atá ag obair agus ag taisteal ar fud Bhaile Átha Cliath. Tá lón na bhfeithiclí trádála ag ardú chomh maith le lón na dturasóirí. Tá na limistéir chomaitéireachta timpeall ar Bhaile Átha Cliath ag leathnú amach agus ag fás go leanúnach ar dhlús íseal. Is féidir limistéir a bhfuil fás iontu a sholáthar sa ghearr agus sa mheántearma le seirbhísí bus in ionad thionscadail fhadtéarmacha ar nós seirbhísí iarnróid agus Luas.


Faoi láthair tá lánaí bus i bhfeidhm ar níos lú ná an tríú cuid de na turais bus ar na conairí gnóthacha. Ciallaíonn sé seo go bhfuil busanna san iomaíocht le haghaidh spáis leis an trácht ginearálta agus mar sin bionn tionchar ag an leibhéal brú tráchta méadaitheach orthu.

➤ **Daonra ag Fás** – Táthar á thuar go bhfásfaidh daonra réigiún Bhaile Átha Cliath 25% roimh 2040, go sroichfidh sé beagnach 1.5m sa réigiún. Ní mór déileáil leis an bhfás daonra ollmhór seo trí chóras iompair phoiblí d'ardchaighdeán a chur ar fáil.

### Is féidir leis an córas bus an toradh seo a bhaint amach

- Ní mór duinn infheistíocht a dhéanamh sa chóras bus ós rud é gurb é an córas bus an príomhrud a bheidh ag teastáil chun ár riachtanais iompair sa todhchaí a chomhlíonadh. Tá an t-aimsíú agus an tsolúbthacht ag córas bus maith seirbhís a chur ar fáil do na forbairtí nua tithíochta, na páirceanna gnó, na hospidéil, na coláistí agus na siopaí ar fad ar fud Bhaile Átha Cliath. Is réiteach cruthaithe é agus is é an cóir iompair phoiblí is mó a úsáidtear ar fud Bhaile Átha Cliath le 67% de na turais iompair phoiblí á déanamh gach lá ar an mbus. Iompraíonn an córas bus trí nó ceithre huaire níos mó daoine ná a iompraíonn an Luas nó an Dart nó a iompraíonn na seirbhísí chomaitéireachta iarnróid.

### Fás Daonra Tuartha i Réigiún Bhaile Átha Cliath




 **Teastaíonn ó dhaoine bheith ag rothaíocht** – Ní bhaineann tionscadal na gconairí bus lárnacha le soláthar lánaí bus amháin. Faoin tionscadal seo cuirfimid ar fáil 200km d'infraestructúr rothaíochta leithscartha freisin chun go mbeidh an rothaíocht níos sábhálte agus níos mealltaí ná a bhí riamh. Is bunchloch an tionscnamh seo do ghréasán rothaíochta ginearálta Mhórcheantar Bhaile Átha Cliath.

Tá ardú 43% i líon na ndaoine a thaistealaíonn chuig an obair ar rothar ó 2011. Léiríonn an fás seo go soiléir go bhfuil daoine ag roghnú a bheith ag rothaíocht. Tacóidh an tionscadal seo leis an treocht sin agus is cuid lárnach den tionscnamh é córas iompair inbhuanaithe a chruthú do dhaoine ar fud Bhaile Átha Cliath. Cuirfidh áiseanna rothaíochta sábhálte thar na 16 chonair bus lárnacha timpeallacht oiriúnach ar fáil inar féidir le daoine, teaghlaigh agus a bpáistí a bheith ag rothaíocht cibé áit gur mian leo nuair is mian leo.

 **Teastaíonn ó dhaoine iompar poiblí a úsáid** – Eascaíonn an gá gréasán conairí bus lárnacha a thógáil as an méadú atá ag teacht ar bhrú tráchta agus as an athrú suntasach atá le brath agus níos mó daoine ná riamh ag roghnú iompar poiblí a úsáid. Teastaíonn ó dhaoine iompar poiblí a úsáid agus ba chóir go mbeadh córas bus iontaofa agus éifeachtach ar fáil dóibh. Bunaithe ar fhigiúirí thródam na canála i 2017, tá 70% de na daoine atá ag taisteal isteach sa chathair gach maidin ag úsáid cóir iompar inbhuanaithe agus an chuid is mó díobh ag taisteal ar an mbus. Ní úsáideann ach 30% de na daoine carr le taisteal isteach i lár na cathrach gach lá agus dá bhrí sin ní mór an méid spáis a chuirtear ar fáil do riachtanais iompair inbhuanaithe a bheith ag teacht leis an bhfigiúr sin.

## Staidrimh maidir le Tródam Chánála Bhaile Átha Cliath 2017 - 7am go 10am




### 1.3 Cad é BusConnects Bhaile Átha Cliath?

Is clár infheistíochta suntasach é BusConnects Bhaile Átha Cliath a bhfuil mar aidhm aige iompar poiblí i mBaile Átha Cliath a fheabhsú.

Tá sé mar aidhm aige an córas bus reatha a leasú ó bhonn trí chlár comhtháite 10 mbliana de ghníomhaíochtaí comhtháite a chur i bhfeidhm d'fhoinsí córas busanna níos éifeachtaí, níos iontaofa agus níos fearr a chur ar fáil do níos mó daoine.



- Gréasán conairí bus nua a thógáil chun go mbeidh turais níos tapúla agus níos iontaofa.
- Gréasán nua lánaí rothar/raonta rothar.



- Athdhearradh ghréasán bus limistéar Bhaile Átha Cliath chun gréasán níos éifeachtúla a chur ar fáil le bealaí ardmhiniúchta, cuarbhealaí nua agus seirbhísí bus níos rialta.



- Córas ticéadaithe den chéad scoth a fhorbairt.
- Cur i bhfeidhm córas íocaíochta gan airgead tirim.
- Struchtúr táillí simplithe.



- Libhré busanna nua a chur ar fáil i stíl chomóntha thar na hoibreoirí ar fad.



- Stadanna agus foscadáin bus nua le comharthaíocht agus eolas níos fearr.
- Cur ar fáil suíomhanna Páirceála agus Taistil bus-bhunaithe i bpriomháiteanna.




- Aistriú chuig flít busanna nua le teicneolaíochtaí feithileastaíochtaí ísele.

## 1.4 Cad iad na buntáistí a bhaineann leis an tionscadal seo?

- ➊ **Am a Shábháil ar Thurais** – Sábhálfar suas go dtí 40-50% ar amanna turais ar gach conair de bharr thionscadal na gconairí bus lárnacha. Féadfaidh lánaí bus tiomnaithe luas agus iontaofacht thaisteal ar bhusanna a mhéadú go suntasach. Má chuirtear feabhas ar amanna taistil agus má laghdaítear an lín ama a chaitheann daoine an turas chun na hoibre a dhéanamh beidh taisteal ar bhusanna níos mealltaí agus beidh níos lú daoine ag brath ar charrthaisteal. Dá mhéad agus atá an córas bus áisiúil, is tapúla a bheidh an t-athrú módúil a dhéanann daoine ón gcarr chuig an mbus. Ní hamhán go mbainfidh úsáideoirí reatha busanna agus rothaithe tairbhe as ach beidh comaitéirí sa todhchaí in ann leas a bhaint as córas níos fearr agus na lánaí bus agus rothaíocht á dtógáil.
- ➋ **Inrochtaineacht do gach duine** – Is ionann inrochtaineacht agus cumas na ndaoine a gceann scriibe agus na seirbhísí atá uathu a bhaint amach. Tá leibhéal luaineachta agus costas taistil na ndaoine i gceist leis seo. Tá na mílte daoine ar fud Bhaile Átha Cliath nach féidir leo carr a thiomáint, nach bhfuil carr acu agus atá go hiomlán spleách ar an tseirbhís bus. Feabhsóidh na hoibreacha feabhsúcháin ar lánaí bus an rochtain atá ag daoine aosta agus daoine maol-luaineachta ar sheirbhísí bus mar go mbeidh na busanna ar fad insroichte agus beidh na stadanna bus, na foscadáin bus agus na cosáin feistithe ar bhealach a éascaíonn bordáil agus tuirlingt ó bhusanna.


- ➌ **Áiseanna rothaíochta níos fearr** – Mar chuid den tionscadal seo, cuirfear ar fáil áiseanna rothaíochta a bhfuil géarghá leo ar fud réigiún na cathrach. Cuirfear ar fáil os cionn 200km d'áiseanna rothaíochta ardchaighdeáin ar fud na 16 chonair bus ghathach. Déanfar na raonta rothar nua nó feabhsaithe seo a leithscaradh ó na lánaí bus agus ón trácht ginearálta nuair is féidir.

### Coigilt Ama do Thurais



➤ **Coisithe agus Láirionaid Uirbeacha Áitiúla**- I dteannta na lánaí bus agus na háiseanna rothaíochta, is deis é seo limistéir áitiúla a fheabhsú. Tá an tionscadal seo dirithe ar feabhas a chur ar chúrsaí do chomaitéirí agus don phobal a mhaireann timpeall ar na conairí bus. Cuirfear feabhas ar chosáin, ar shiúlbhealaí agus ar thrasrianta coisithe ar feadh gach bealach. Cuirfear ar fáil maoiniú agus infheistíocht do láirionaid uirbeacha áitiúla chun thírdhreachanna agus taithneamhachtaí allamhúigh a thógáil.

➤ **Cathair inbhuanaithe a thógáil agus dul i ngleic leis an athrú aeráide** - Trí chóras bus níos fearr a chur ar fáil do Bhaile Átha Cliath, is féidir linn cathair atá níos tarraingtí ó thaobh cónaithe, oibre agus turasóireachta a chruthú. Tá córas iompar poiblí maith riachtanach chun tacaíocht a thabhairt do ghníomhaíochtaí eachnamaíochta cathrach agus féadann sé freisin aghaidh a thabhairt ar an gá atá le cáilíocht an aeir a fheabhsú agus astaíochtaí CO<sub>2</sub> a laghdú. Is tosaíocht don Rialtas aghaidh a thabhairt ar dhúshlán an athraithe aeráide agus is príomhghhné den réiteach atá aige daoine a spreagadh chun an córas iompar poiblí a úsáid.




## 1.5 Cad atá i gceist leis an tionscadal conairí bus lárnacha?


Molann tionscadal na gconairí bus lárnacha soláthar 230 ciliméadar lánaí bus ar shé cheann déag de na conairí bus is gnóthaí agus 200 ciliméadar lánaí agus raonta rothar, rud a foilsíodh sa phléidhcoiciméad, Tuarascáil faoi Thionscadal na gConairí Bus Lárnacha, i Meitheamh 2018.

Taispeánann an leagan amach thíos an leagan amach ar mhaith linn a bheith ag gach conair. É sin ráite, is doiligh an leagan amach optamach seo a bhaint amach go praiticiúil agus tá réitigh mhalartacha molta againn in áiteanna éagsúla chun go mbeifear in ann na lánaí bus agus rothar a chur ar fáil.

### Leagan Amach Optamach Bóithre



Tá lánaí bus ag teastáil chun go bhfeidhmeoidh an córas bus atá ann faoi láthair agus a bheidh ann sa todhchaí ar dhóigh éifeachtach, iontaofa agus tráthúil. Tá sé i gceist againn na conairí bus seo a fhorbairt chun go mbeidh tosaíocht leanúnach do bhusanna ar gach ceann acu – is é sin le rá, go gcoinneofar lána bus leanúnach sa dá threo chomh maith le dhá lána tráchta ginearálta. Ina theannta sin, ba mhaith linn áiseanna rothaíochta sábháilte a chur ar fáil, atá leithscartha nuair is féidir ó gach saghas fheithile eile. Cuirfidh sé seo deireadh leis na moilleanna atá ann faoi láthair agus a bheidh ag dul in olcas agus an brú tráchta ag méadú.



## An Bealach is Dealraithí a Roghnófar do Chonairí Bus Lárnacha Gathacha

1. Cluain Ghrífín go Lár na Cathrach
2. Sord go Lár na Cathrach
3. Baile Munna go Lár na Cathrach
4. Fionnghlas go Baile Phib
5. Cluain Ghrífín go Baile Bhlainséir
6. Leamhcán go Lár na Cathrach
7. Gleann na Life go Lár na Cathrach
8. Cluain Dolcán go Droimeanach
9. Na Glaschnoic go Lár na Cathrach
10. Tamhlacht go Tír an Iúir
11. Camaigh go Lár na Cathrach
12. Ráth Fearnán go Lár na Cathrach
13. Bré go Lár na Cathrach
14. UCD Droichead na Dothra go Lár na Cathrach
15. An Charraig Dhubh go Muirfin
16. An Rinn go Lár na Cathrach

## 2. An Bealach is Dealraithí a Roghnófar

### 2.1 An Bealach is Dealraithí a Roghnófar do Ráth Fearnán go Lár na Cathrach

Rinneadh an Bealach is Dealraithí a Roghnófar atá leagtha amach sa doiciméad seo a shainaithint tar éis measúnú a dhéanamh ar bhealaí malartacha éagsúla.

Mar chuid den phróiseas roghnúcháin bealaí, rinneadh roghanna féidearthachta a shainaithint agus a phlé agus cuireadh san áireamh an tionchar a bheadh ag na roghanna sin ar éadaín réadmhaoine, ar phatrúin thráchta atá ann cheana, agus rinneadh measúnú forleathan ar an tionchar a d'fhéadfadh a bheith acu ar an timpeallacht. Tá Tuarascáil Fhéidearthachta ag leagan amach sonraí na hoibre measúnaithe a rinneadh ar fáil ag [www.BusConnects.ie](http://www.BusConnects.ie).

De thoradh ar an obair sin, rinneadh an Bealach is Dealraithí a Roghnófar a shainaithint don chonair seo agus táthar ag lorg tuairimí an phobail ina leithanois. Tá sé tábhachtach a thuiscint nár glacadh leis an rogha seo go fóill. Ní dhéanfar aon chinneadh faoin Bhealach is Dealraithí deiridh go dtí go mbeidh an comhairliúchán poiblí seo thart agus go ndéanfar athbhreithniú ar na hiarratais a fuarthas.

### 2.2 Achoimre ar an gconair ó Ráth Fearnán go Lár na Cathrach

Tosaíonn Conairí Bus Lárnach Ráth Fearnán ar Bhóthar an Gharráin R821 ag an acomhal le hAscaill an Gharráin Chnó, agus leanann sé ar aghaidh ar na bóithre seo a leanas, Bóthar an Gharráin R821, Bóthar Ráth Fearnán R115, Bóthar Ráth Fearnán R114, Bóthar Thír an Iúir Thoir, Bóthar Ráth Garbh, Bóthar Ráth Maonais íochtarach, Sráid

Richmond Theas, Sráid Camden Uachtarach agus Íochtarach agus Sráid Loch Garman, chomh fada leis an acomhal leis an R110 ag Sráid Chaoimhín Íochtarach agus Sráid Cuffe, áit a chuirtear deireadh leis na lánaí tosaíochta do bhusanna. Ó Shráid Cuffe go Sráid an Dáma, agus ar feadh Chnoc Réamainn, Sráid Aungier agus Sráid Sheoirse Mhór Theas, áit a nascfaidh leis an gcóras bainistíochta tráchta atá i réim i lár na cathrach, is lána tráchta agus raon rothar sa dá threo a bheidh i bhfeidhm.

#### 2.2.1 Bóthar an Gharráin Chnó go Bóthar Thír an Iúir Thuaidh - Bóthar an Gharráin, Bóthar Ráth Fearnán

Tosaíonn an scéim CBL ag an acomhal idir Bóthar an Gharráin agus Ascaill an Gharráin Chnó. Tá sé beartaithe an t-acomhal atá ann a athrú chun lána seachbhealaigh a chur ar fáil do bhusanna agus do rothaithe a chasann ar chlé ar cheathrú thiar an acomhail. Idir an acomhal sin agus acomhal Chéide Thaobh an Chaisleáin, tá sé beartaithe lána bus amháin, lána do thrácht ginearálta agus raon rothar a chur ar fáil sa dá threo. Le spás a dhéanamh don leagan amach bóthair, beartaítear úsáid theoranta a bhaint as tógáil talún ó na réadmhaoine seo a leanas:

- Réadmhaoine príobháideacha de chuid forbairt Choill Ráth Fearnán;
- Spás glas i bPáirc Chaisleán Ráth Fearnán;
- Spás glas i gCúirt an tSráidbhaile;
- Comhar Creidmheasa Ráth Fearnán.

Ar an gcuid de Bhóthar Ráth Fearnán atá idir an tSráid Mhór agus

Bóthar Pháirc na Dothra, níl go leor spás le lána rothar a chur ar fáil sa dá threo. Dá bharr sin, beartaítear rothaithe a atreorú ó Bhóthar Ráth Fearnán go Bóthar Ghleanntán an tSruthán trí úsáid a bhaint as an gcosán atá ann cheana. Tá sé beartaithe an cosán sin a leathnú trí talamh a thógail ón stáisiún breosla atá taobh leis. Sa chás sin, déanfar rothaithe a threorú trí Mhulláin Ghleanntán an tSruthán chuig raon rothar nua dhá threo ar Ascaill Achadh an Tobair, áit a nascaidh siad le lána rothair nua ar Bhóthar Ráth Fearnán. Le spás a dhéanamh do na lánaí bus nua ar an gcuid sin de Bhóthar Ráth Fearnán, tá sé beartaithe talamh a thógail ó na réadmhaoine atá taobh leis. Tá cur síos ar mhéid táscach na tógála talún seo in Aguisín an bhróisiúir seo. Leis an tosaíocht do bhusanna ar Bhóthar Pháirc Dothra agus Bóthar Ráth Fearnán a choinneáil, tá sé beartaithe comhartha do bhusanna amháin a chur isteach ag na bealaí isteach chuig an acomhal ó dheas agus ó thuaidh. Déanfar an t-acomhal a athchóiriú trí thrasrianta túcánacha a chur isteach ag gach ceann den cheithre bhealach isteach.

Idir an acomhal sin agus Bóthar Thír an Iúir Thuaidh, beartaítear lána bus amháin agus lána amháin do thrácht ginearálta a choinneáil sa dá threo. Beidh raon rothar ann do rothaithe sa dá threo ar an taobh thiart de Bhóthar Ráth Fearnán. Chun é sin a chur i gcrích, beidh gá le droichead nua do rothair a rachaidh trasna Abhainn na Dothra. Ag acomhal Pháirc Ráth an Dúin, tá sé beartaithe an tosaíocht do bhusanna a choinneáil i bhfeidhm ag an acomhal sin trí chomhartha do bhusanna amháin a chur isteach ar an lána atá ag dul i dtreo na cathrach. Le spás a dhéanamh do na lánaí bus nua sin ar an gcuid sin de Bhóthar Ráth Fearnán, tá sé beartaithe talamh a thógail ó na réadmhaoine atá taobh leis. Tá cur síos ar mhéid táscach na tógála talún seo in Aguisín an bhróisiúir seo. Ag acomhal Bhóthar Thír an Iúir Thuaidh, tá sé i gceist againn an lána bus agus an raon rothar

beartaithe a shíneadh chomh fada le líne stop an acomhal. Cuirfear na lánaí breise sin ar fáil agus na spásanna páirceála sráide atá ann a bhaint amach. Déanfar gluaiseachtaí bus tríd an acomhal sin a bhainistiú le comharthaí do bhusanna amháin.

## 2.2.2 Bóthar Thír an Iúir Thuaidh go Bóthar Charleville – Bóthar Thír an Iúir Thoir, Bóthar Rath Garbh

Idir acomhal Bhóthar Thír an Iúir Thuaidh agus acomhal Bhóthar Fhir Arda, beartaítear lána bus amháin agus lána do thrácht ginearálta a chur ar fáil sa dá threo. Níl dóthain spás ann le lána rothar a chur ar fáil ar an gcuid sin den bhealach.

Idir acomhal Bhóthar Fhir Arda agus acomhal Bhóthar Grosvenor, tá sé beartaithe lána bus amháin, lána do thrácht ginearálta agus raon rothar a chur ar fáil sa dá threo. Ag Ascaill Ráth Garbh, tá sé beartaithe tosaíocht do bhusanna a choinneáil ag an acomhal trí chomhartha do bhusanna amháin a chur isteach chun ligean do bhusanna bheith chun tosaigh ar thrácht atá ag casadh ar chlé.

Ag an acomhal idir Ascaill Leicester / Bóthar Grosvenor agus Ascaill Frankfort níl dóthain spás le lána bus a choinneáil sa dá threo. Le tosaíocht do bhusanna ar an mbealach isteach go dtí lár na cathrach a choinneáil, beartaítear comhartha do bhusanna amháin a chur isteach ag Seipéal na dTrí Patrún. Cuirfidh sé sin ar chumas busanna a bheith chun tosaigh ar an trácht ginearálta ag an acomhal sin.

Don bhealach thusluaithe sin, bheadh tógail talún ag teastáil ar Bhóthar Thír an Iúir Thoir / Bóthar Ráth Garbh idir Bóthar Thír an Iúir Thuaidh agus Bóthar Grosvenor. Tá cur síos ar mhéid táscach na tógála talún seo in Aguisín an bhróisiúir seo.

## 2.2.3 Bóthar Charleville go Sráid an Dáma

Ar an gcéad chuid eile den chonair, tá dhá rogha á moladh;

- Rogha A - Slí rothar ar líne trí Bhóthar Ráth Maonais, Sráid Richmond agus Sráid Camden Uachtarach, slí rothar a leanann Príomh-Rotharbhealach 10 ina dhiaidh sin agus a nascann le Príomh-Rotharbhealach 11. Tugfar tuilleadh sonraí faoi Phríomh-Rotharbhealach 10, a chuirfear isteach ar feadh Shráid Camden agus Sráid Loch Garman, mar chuid den chéad chéim eile den phróiseas dearaidh.
- Rogha B - Slí rothar as líne trí na taobhshráideanna in aice le Bóthar Ráth Maonais, chomh maith le trasrian nua thar an chanáil agus rotharbhealach ciúin trí Shráid an Mháirtínigh, Sráid Stamer, Sráid Heytesbury agus Sráid Bhríde Nua.

Tá cur síos ar na bealaí a bhaineann leis na roghanna sin thíos. Tá deacrachtaí ag baint leis an dá rogha agus, mar chuid den phróiseas comhairliúcháin, táthar ag lorg aiseolais faoin dá rogha sin sula ndéanfar cinneadh faoin rogha is dealraití.

### 2.2.3(A) Rogha A - Bóthar Charleville go Sráid an Dáma - Bóthar Ráth Maonais Íochtarach/ Sráid Richmond, Sráid Camden Uachtarach, Sráid Camden Íochtarach, Sráid Loch Garman, Cnoc Réamainn, Sráid Aungier, Sráid Sheoirse Mór Theas

Idir acomhal Bhóthar Ráth Maonais Uachtarach agus Ascaill Fhiodh an Chaisleáin, níl dóthain spáis ann chun lána bus tiomnaithe a choinneáil ar an gcuid sin den bhealach. Tá sé beartaithe na trí lánaí atá ann a choinneáil mar atá siad (lána bus amháin ag dul go lár na cathrach,

lána amháin do thrácht ginearálta atá ag casadh ar dheis chuig Ascaill Fhiodh an Chaisleáin agus lána amháin ar an mbealach amach).

Tugfar tosaíocht do bhusanna i gcónaí trí chomharthaí do bhusanna amháin a shuiteáil ar an mbealach amach. Cuirfidh sé sin ar chumas busanna atá ag teacht amach ón gcathair dul chun tosaigh ar an trácht ginearálta agus moileanna ar na seirbhísí busanna sin a laghdú dá bharr. Cuirfear lána bus leanúnacha ar fáil do bhusanna atá ag dul isteach sa chathair. Beartaítéar rotharbhealach 1.5 méadar ar leithead a chur isteach sa dá threeo ar Bhóthar Ráth Maonais.

Idir Ascaill Fhiodh an Chaisleáin agus Bóthar an Gharráin, beartaítéar lána bus a chur ar fáil sa dá threeo agus lána amháin ag dul amach do thrácht ginearálta. Treorófar trácht atá ag dul isteach sa chathair trí Ascaill Fhiodh an Chaisleáin, Bóthar Charleston go dtí Bóthar Raghnallach.

Ar Shráid Richmond Theas, tá sé beartaithe lána do thrácht atá ag teacht amach ón gcathair a choinneáil chomh maith le lána bus sa dá threeo. Cuirfear raonta rothar ar fáil sa dá threeo chomh maith.

Ag acomhal Shráid Harrington/Shráid Fhearchair/Shráid Richmond Theas, tá sé i gceist lána bus a chur ar fáil sa dá threeo agus gan aon lána do thrácht ginearálta a bheith ann. Ar Shráid Camden idir Sráid Fhearchair agus Bealach Charlotte, beartaítéar lána bus amháin sa dá threeo agus dhá lána do thráctica ginearálta atá ag dul isteach sa chathair a chur ar fáil, chomh maith le lána rothar ag dul isteach sa chathair. Idir Sráid Grantham agus Sráid Montague/Rae Camden, tá sé beartaithe lána bus amháin agus lána amháin do thrácht ginearálta sa dá threeo a choinneáil. Idir Rae Camden agus Sráid Cuffe, tá sé beartaithe lána bus ag dul isteach sa chathair, lána amháin do thrácht ginearálta atá ag dul i dtreo lár na cathrach agus lána amháin do thrácht atá ag teacht amach ón gcathair a choinneáil. Idir Sráid Cuffe

agus Sráid an Dáma, tá sé i gceist lána amháin do thrácht ginearálta agus lána rothar amháin a chur ar fáil sa dá threo. Ní chuirfear aon lána bus ar fáil ar an gcuid seo den bhealach. Más féidir, coinneofar na cuasa páirceála agus lódála sráide atá ann cheana. Nascann an scéim leis an líonra bóthar atá ann ar Shráid an Dáma. Ina theannta sin, tá áiseanna rothar le taobh Shráid Camden (Rotharbhealach Tánaisteach 10) le plé mar chuid den chéad chéim eile den phróiseas dearaidh.

### **2.2.3(B) Rogha B - Bóthar Charleville go Sráid an Dáma – Bóthar Ráth Maonais Íochtarach/ Sráid Richmond, Sráid Camden Uachtarach, Sráid Camden Íochtarach, Sráid Loch Garman, Cnoc Réamainn, Sráid Aungier, Sráid Sheoirse Mór Theas**

Uachtarach agus Ascaill Fhiodh an Chaisleáin, níl dóthain spáis le lána bus tiomnaithe a choinneáil i bhfeidhm ar an gcuid sin den bhealach sa dá threo. I gcás an rogha seo, tá sé beartaithe na trí lánaí atá ann a choinneáil mar atá (lána bus amháin ag dul chun lár na cathrach, lána amháin do thrácht ginearálta atá ag casadh ar dheis chuig Ascaill Fhiodh an Chaisleáin agus lána amháin ar an mbealach amach ón gcathair). Coinneofar tosaíocht do bhusanna i gconaí trí chomharthaí do bhusanna amháin a chur isteach ar an dá bhealach isteach.

Cuirfidh sé sin ar chumas busanna atá ag teacht amach ón gcathair dul chun tosaigh ar an trácht ginearálta agus moileanna ar na seirbhísí busanna sin a laghdú dá bharr.

Idir Ascaill Fhiodh an Chaisleáin agus Bóthar an Gharráin, beartaítear lána bus amháin agus lána amháin do thrácht ginearálta a chur ar fáil sa dá threo. Má chloítear leis an leagan amach sin, níl dóthain spáis ann le lána rothar a chur ar fáil ar an gcuid sin den bhealach.

I gcás an rogha sin, forbrófaí bealach malartach as líne do rothaithe. Tosaíonn an bealach as líne ag an bpointe a threoraítear rothaithe síos Bóthar Charleville agus Bóthar Wynnefield. Moltar go mbainfí amach an leithreas poiblí atá ar Bhóthar Wynnefield le rochtain nua ar Pháirc Wynnefield a chruthú. Beartaítear rochtain ar rotharbhealach a chur ar fáil trí Pháirc Wynnefield go dtí Ardán an Phrionsa Artúr agus ar aghaidh go dtí Cearnóg Laighean. Trasnóidh an rotharbhealach Bóthar Laighean agus rachaidh sé síos Lána Louis trí phointe iontrála atá molta go dtí na tailte atá ar chál Ardscoil Cheoil agus Drámaíochta Institiúid Teicneolaíochta Bhaile Átha Cliath agus isteach go dtí Páirc Mhic Liam agus Bóthar Bhaile Átha Fhirdhia. Ansin trasnóidh an rotharbhealach molta an Bóthar Mileata agus an pháirc imeartha os comhair Mheánscoil Choláiste Naomh Muire. Déanfar an lána rothar a threorú trí Dhún Chathail Bhrugha agus thart ar imeall Fhorbairt Ghort Lisín agus taobh thiar de na réadmhaoine i bPáirc an Gharráin. Tá cur síos ar mhéid táscach na tógála talún seo in Aguisín an bhróisiúir seo.

Ina dhiaidh sin, trasnaíonn an rotharbhealach molta Bóthar an Gharráin áit a shroicheann sé trasrian nua canálach. Is nasc an bealach do rothaithe / coisithe trasna na Canálach Móire idir Bóthar an Gharráin agus Bóthar Portobello. Ina dhiaidh sin, beidh ar rothaithe an bóthar a roinnt leis an trácht ginearálta ar na sráideanna seo a leanas:

- Sráid an Mháirtínigh;
- Sráid Lennox;
- Sráid Stamer;
- Sráid Heytesbury;
- Sráid Bhríde Nua i dtreo Shráid Chaoimhín.

Beartaítear srian a chur le rochtain áitiúil ar Shráid Heytesbury agus an bóthar a dhúnadh ag acomhal an Lána Fhada. Beidh rochtain ag coisithe agus rothaithe ar an tsráid i gcónaí, ach ní cheadófar do thréthrácht ginearálta a thuilleadh. Treorófar tréthrácht ginearálta chuig an Lána Fada nó Rae Camden.

Idir Sráid an Gharráin agus Sráid Lennox, beartaítear lána bus amháin agus lána amháin do thrácht ginearálta a choinneáil sa dá threo. Idir Sráid Lennox agus Sráid Grantham coinneofar an leagan amach bóthair atá ann cheana. Ba cheart a thabhairt faoi deara go bhfuil leagan amach na lánaí tráchta agus lánaí rothar mar an gcéanna sa rogha seo is atá i Rogha A thusa. Idir Sráid Grantham agus Sráid Montague / Rae Camden, tá sé beartaithe lána bus amháin agus lána amháin do thrácht ginearálta sa dá threo a choinneáil. Idir Rae Camden agus Sráid Cuffe, tá sé beartaithe lána bus ag dul isteach sa chathair, lána amháin do thrácht ginearálta atá ag dul i dtreo lár na cathrach agus lána amháin do thrácht atá ag teacht amach ón gcathair a choinneáil. Idir Sráid Cuffe agus Sráid an Dáma, tá sé i gceist lána amháin do thrácht ginearálta agus lána rothar amháin a chur ar fáil sa dá threo. Ní chuirfear aon lána bus ar fáil ar an gcuid seo den bhealach. Más féidir, coinneofar na cuasa páirceála agus lódála sráide atá ann cheana. Nascann an scéim leis an lónra bóthar atá ann ar Shráid an Dáma. Ina theannta sin, tá áiseanna rothar le taobh Shráid Camden (Rotharbhealach Tánaisteach 10) le plé mar chuid den chéad chéim eile den phróiseas dearaidh.

## 2.3 Príomhfhíricí:

- Neas-líon na réadmhaointe a bhféadfadh tionchar imirt orthu: **255**
- Neas-líon na spásanna páirceála sráide a bhféadfaí a chailliúint: **50**
- Neas-líon na gcrann ar thaobh an bhóthair a d'fhéadfaí a bhaint: **45**
- Fad measta an bhealaigh: **6km**
- Fad measta an lána rothar nua: **7km**
- Am thuras bus reatha: **suas go dtí 75 nóiméad**
- Am thuras BusConnects: **25 – 30 nóiméad**
- Amanna thuras bus amach anseo gan BusConnects: **90 nóiméad +**



## 3. Dúshlán agus Maolaithe

### 3.1 Na Dúshláin

Tá sé tábhachtach a admháil go mbeidh roghanna deacra le déanamh chun an t-athrú mór sin ar fheidhmíocht chóras bus a bhaint amach. Ní mór na cinntí a dhéanamh anois, áfach, seachas a chur ar athló go mbeidh an fhadhb i bhfad níos measa. D'fhéadfadh roinnt de na cinntí a bheith deacair ach táthar á dhéanamh mar go gcreidimid go bhféadfadh na pleananna seo an bealach a fheidhmíonn oibreacha iompair phoiblí i mBaile Átha Cliath a athrú ó bhonn.

Is é ár ndúshlán anois ná freagairt do riachtanais cathrach nua-aimseartha trí chóras bus atá oiriúnach don fheidhm a sholáthar, atá tógtha ar shráid-dreach a théann siar na céadta. Ní gá a rá nach raibh na sráideanna deartha chun an lín daoine a bhogadh gach lá a bhfuil gá leo le taistéal isteach is amach ón gcathair gach lá. Téann cuid de fobhailte inmheánacha na cathrach siar go dtí an ré Victeoiriach, agus bíonn leagan amach bóithre níos oiriúnaí do leibhéal tráchta nios lú acu ná an leibhéal atá inniu ann.

- ◆ Beidh orainn bóithre a leathnú;
- ◆ Beidh orainn lánaí tráchta atá ann faoi láthair a athrú go lánaí bus;
- ◆ Beidh orainn páirceáil sráide a shrianadh;
- ◆ Beidh orainn crainn agus codanna de ghairdíní tosaigh a bhaint.

Ní mhothófar gach tionchar ar an gcaoi chéanna agus beidh níos mó athruithe ag teastáil i roinnt áiteanna i gcomparáid le háiteanna eile. I gcaitheamh na mbliana rinneadh na leasuithe ba fhurasta a dhéanamh - na cinn nach ndearna mórán cur isteach ná cur isteach ar bith.

Ciallaíonn sé sin nach bhfuil aon athruithe simplí a thuilleadh ar féidir linn a dhéanamh agus a bhainfí tairbhí fiúntacha astu.

Mura gcinnimid na hathruithe seo a dhéanamh anois, beidh orainn glacadh leis mar sin go n-éireoidh Baile Átha Cliath níos plúchta ná riamh agus nach mbeidh sí chomh mealltach ó thaobh chónaithe agus oibre de dúinn féin anois agus do na glúnta atá le teacht.

### 3.2 Tionchair Fhéideartha

#### 3.2.1 Athruithe tráchta

Trí níos mó tosaíochta a thabhairt do bhusanna agus don rothaíocht athróidh an chaoi a mbogann trácht timpeall na sráideanna faoi láthair. Ar chonairí áirithe, d'fhéadfadh sé go gcuirfí i bhfeidhm córas tráchta aontreo, agus go gcuirfí isteach stráicí nua do bhusanna amháin agus in áiteanna eile beidh ar thrácht bealaí nua a ghlacadh le dul isteach agus teach amach ón gcathair. Tógfar bealaí rothar nua, agus iad leithscartha go ginearálta ó thrácht fheithiclí, agus cuirfear isteach nó bogfar trasrianta coisithe in áiteanna áirithe.

#### 3.2.2 Tógáil talún

Mar gheall go bhfuil an méid spáis nach bhfuil úsáidte chomh beag ar na bóithre gnóthacha sin, is minic nach mbeifear in ann spás a chur ar fáil do na lánaí bus agus na lánaí rothaíochta leis an leithead a bheidh ar fáil. Chun an spás is gá a chruthú, beidh gá ann, in áiteanna, codanna de ghairdíní tosaigh, de chabhsaí agus do thalamh os comhair réadmhaointe tráchtála a cheannach chun spás a dhéanamh do na lánaí bus agus rothar. Bheadh gá ina dhiaidh sin ballaí gaídíní agus cabhsaí a atógáil achar gearr siar ó theorainn an bhóthair mar atá sé faoi láthair.

### 3.2.3 Laghdú ar Pháirceáil Sráide agus Áiseanna Lódála

Ós rud é go dtaistealaíonn na bóithre ar gá iad a leathnú trí cheantair chónaithe agus ghnó, beidh gá ann méid na páirceála sráide agus na n-áiseanna lódála a laghdú chun spás a dhéanamh don leagan amach nua.

### 3.2.4 Baint Crann

Mar aon leis an ngá atá ann codanna áirithe de ghairdíní tosaigh agus de chosáin a bhaint amach, beidh gá ann freisin crainn a bhaint as taobh cuid de na conairí.

### 3.2.5 Oibreacha Bóthair agus Ionaid Tógála

Bíonn obair thógála i gceist chun bóithre a leathnú, agus lánaí bus agus rothar a thógáil. Déanfar na bóithre reatha a thochailt, chomh maith le codanna de ghairdín agus de chosáin, áit is gá. Déanfar athdhromchlú, colbhaí, athphlandáil agus tírdhreachadh. Mar is amhlaidh is gás aon láithreán oibre agus oibreacha bóthair, beidh leibhéal áirithe torainn agus deannaigh i gceist in éineacht le hatreorú sealadach tráchta.

## 3.3 An dóigh ar a thabharfaimid aghaidh ar na dúshláin sin

Is léir gur dúshláin agus tionchair mhóra iad seo. Táimid ag breathnú ar gach rogha indéanta chun an tionchar ar dhaoine, ar réadmhaoine agus ar an bpobal áitiúil i gcoitinne a laghdú a oiread agus is féidir. Nuair nach mbíonn aon rogha indéanta eile ann, agus nuair a bhíonn a fhios againn gur gá crainn, codanna de ghairdíní, cabhsaí nó páirceáil a bhaint, déanfaimid cinnte de go gcuirtear bearta maolaithe cuí i bhfeidhm, nuair is féidir sin.

Mar chuid den chomhairliúchán poiblí seo, déanfaidh an tÚdarás Náisiúnta lompair teagmháil dhíreach le húnírí réadmhaoine a bhféadfadh tionchar imirt orthu agus pléifear an tionchar féideartha leo láithreach bonn. Ós rud é go mbeidh a gcuid fhadhbanna sainiúla agus pearsanta féin ag gach úinéir réadmhaoine aonair, cuirfear ar fáil foireann teagmhála thiomnaithe chun caidreamh a dhéanamh leis an ngrúpa seo ar bhonn duine le duine.

Tá prionsabail ann le haghaidh maolaithe, cúitimh reachtúil agus gnáthchúitimh, a chloífidh an tÚdarás Náisiúnta lompair leo mar chuid den phróiseas pleánala reachtúil. É sin ráite, seo thíos cuid de na bearta a bhfuil sé i gceist againn a chur i bhfeidhm. Ní liosta cuimsitheach é seo agus samhláonn muid go mbeidh orainn bearta eile a chur i bhfeidhm.

### 3.3.1 Athruithe Tráchta

Nuir a dhéantar trácht ginearálta a chur ar mhalaírt slí nó a athreorú, cuirfear ar fáil comharthaíocht agus marcanna bóthair chun go mbeidh daoine in ann a mbealach a aimsiú. Cuirfear bearta i bhfeidhm le cinntíú nach dtarlóidh "aicearraí sciurde" de bharr an tráchta atreoraithe. Freisin, coimeádfar rochtain áitiúil áit a dtógfar isteach codanna bus-amháin nó córais aonbhealaigh do chónaitheoirí agus d'fhoirgnimh ghnó.

### 3.3.2 Tógáil talún

Áit a ghlactar seilbh ar thailte, ar nós codanna de ghairdíní agus de chabhsaí, chun an bóthar a leathnú, ceannóidh muid cuid de na gaídíní tosaigh agus na cabhsaí ó na húnírí réadmhaoine; cinnteoidh muid go ndéanfar na gaídíní athírdhreachú agus a athphlandáil, go ndéanfar na cabhsaí a chur ar ais agus go n-iocfar cíteamh d'úinéirí don chuid den ghairdín agus cabhsa a chailltear dá bharr agus don chur isteach.

Áit a mbeidh ballaí nó fálta príobháideacha nó poiblí á bhaint, tógfar arís ballaí na ngairdíní agus cuirfear isteach fálta áit ar giorraíodh gairdíní nó gur tharla aon tionchar eile dóibh. Freisin, áit a mbeidh ballaí agus fálta poiblí nó gnó a bhaint tógfar arís iad agus cuirfear cinn nua ar fáil.

### 3.3.3 Páirceáil sráide agus Áiseanna Lódála

Áit a ghearrtar siar ar pháirceáil sráide agus áiseanna lódála, déanfaimid iarracht socruithe eile, nuair is féidir sin, a chur ar fáil in aice láimhe do chónaitheoirí agus do ghnólachtaí.

### 3.3.4 Crainn

Áit a bhaintear crainn ó thaobh an bhóthair nó ón gcosán, cuirfimid i bhfeidhm clár athphlandála cuimsitheach. Sa chlár seo bainfear úsáid as crainn réamh-fhásta aibí nó leathaibí nuair is cuí agus, nuair is féidir sin, cuirfear iad chomh gar agus is féidir do na háiteanna tosaigh.

### 3.3.5 Feabhsuithe ar Lárionaid Uirbeacha

Beidh muid ag lorg ceantar ar na conairí gnóthacha áit a mbeifear in ann na spáis áitiúla reatha agus an tírdhreachadh reatha a fheabhsú. Tá sé tábhachtach an deis seo a thapú ní hamháin chun an méid a bheidh bainte a sholáthar arís ach freisin chun na ceantair áitiúla a fheabhsú. Chun é seo a dhéanamh, rachaimid i gcomhairle leis na húdarás áitiúla maidir lena leithéid d'fheabhsuite ar lárionaid uirbeacha agus lorgóimid le chéile bealaí chun timpeallachtaí áitiúla taitneamhacha a chruthú.

### 3.3.6 Oibreacha Bóthair agus Ionaid Tógála

I rith na gcéimeanna tógála, déanfar na suíomhanna a logánú agus a bhainistiú ar bhonn bóthar ar bhóthar. Beidh sé riachtanach nádúr cónaithe go leor de na bóithre a choimeád i gcuimhne agus méid gach láithreán oibre chomh maith leis na huaireanta oibre á n-oibriú amach. Beidh bainistíocht tráchta an-tábhachtach chun trácht a choimeád ag gluaiseacht agus déanamh cinnte go gcoimeádfar rochtain áitiúil do dhaoine agus do sheachadtaí.



## 4. An Próiseas chun Talamh a Pháil

Áit a rinneadh an tionchar féideartha ar thailte príobháideacha a shainainthint, cuirfear i bhfeidhm an próiseas seo a leanas:

**Q4 2018 - Q2 2019** eiseoidh an tÚdarás Náisiúnta lompair litreacha eolais (in ionad fógraí ordaithe ceannaigh éigeantaigh foirmeálta) d'úinéirí talún agus/nó sealbhóirí ar feadh gach Príomhchonair Bus a bhfuil tionchar féideartha ag imirt orthu. *Cuimsíonn an téarma tionchar féideartha, mar shampla, áit a nglactar seilbh ar chodanna de ghairdíní, ballaí, fálta, geataí, cabhsáí nó a dhéantar iad a átógáil chun spás a dhéanamh do leathnú bóthair.* Is éard atá i gceist leis seo ná comhrá díreach a thionscnamh idir an Údarás Náisiúnta lompair agus na páirtithe a n-imrítear tionchar orthu.

**I rith 2019** chun an doiciméadú pleinála reachtúil a ullmhú, déanfar dearadh an tionscadail agus measúnacht tionchair timpeallachta a chur chun cinn. I rith an ama seo, déanfaidh an tÚdarás Náisiúnta lompair iarracht tionchar ar thailte príobháideacha a laghdú. Leanfaidh an plé díreach idir an Údarás Náisiúnta lompair agus na páirtithe a d'fhéadfadh tionchar imirt orthu chun tuiscint a fháil ar an tionchar a d'fhéadfadh a bheith ag an bhforbairt bheartaithe agus na socruithe a d'fhéadfai a chur i bhfeidhm chun an tionchar seo a laghdú nó, más féidir, a sheachaint.

**Deireadh 2019 / túis 2020** críochnóidh an tÚdarás Náisiúnta lompair an doiciméadú pleinála reachtúil agus tabharfaidh sé fógra d'úinéirí na talún a bheidh tionchar á n-imirt orthu de bharr an cheannaigh éigeantaigh a bheidh mar chuid den tionscadal. Déanfaidh an tÚdarás iarratas foirmeálta chuig an mBord Pleanála chun deimhniú a fháil maidir le ceannach éigeantach na dtailte atá riachtanach chun lánaí bus agus lánaí rothar uasghrádaithe a thógáil.

**I rith 2020** breathnóidh An Bord Pleanála ar an iarratas pleinála. Beidh tréimhse chomhairliúchán poiblí reachtúil ann chun ligean dóibh siúd a fuair fógra maidir le hordú ceannaigh éigeantaigh, agus don phobal i gcoitinne, iarratais agus/nó agóidí a dhéanamh don Bhord Pleanála. Má mheastar gur gá é, reáchtálfайдh an Bord Pleanála Éisteacht ó Bhéal ina dhiaidh sin. Críochnóidh an próiseas reachtúil le cinneadh ón mBord Pleanála:

1. an t-iarratas a fhormheasadh, a fhormheasadh faoi choinníollacha, nó an t-iarratas a dhiúltú; agus
2. an tOrdú Ceannaigh Éigeantaigh a dhearbhú, a leasú, nó a dhiúltú.


**Ó 2021 ar aghaidh** má thugann an Bord Pleanála formheas, tosóidh an tÚdarás Náisiúnta lompair na luachálacha agus na hidirbheartaíochtaí chun na tailte san ordú ceannaigh éigeantaigh a fháil, agus tosóidh an obair thógála. Glacfaidh tógáil gach conair bus suas go dtí dhá bliain len é a chríochnú. Déanfar na dátaí tosaithe do gach ceann den 16 chonair a bhainistiú thar an tréimhse 2021 go deireadh 2027.




## 4.1

# Conas a rachaidh an tionscadal chun cinn

Conas & cathain páirt a ghlacadh ann





## 5. Conas páirt a ghlacadh sa chomhairliúchán poiblí

Ná déan dearmad gur tograí na pleananna atá á bhfoilsíú againn agus nach ndéanfar cinneadh deiridh faoi na hábhair seo roimh a tharlóidh an comhairliúchán poiblí. Tá fáilte roimh thuairimí gach duine.

Mura dtaitníonn togra leat, ná bíodh drogall ort réiteach malartach nó rogha eile a mholadh le go ndéanfaimid é a mheas. Ná déan dearmad, áfach, gurb é busiompair an príomhchineál iompair phoiblí faoi láthair, agus sa todhchaí, d'fhormhór na gceantar i réigiún Bhaile Átha Cliath agus nach bhfuil córas iarnróid faoi thalamh indéanta go bunúsach do Bhaile Átha Cliath don chuid is mó.

### 5.1 Tailte a d'fhéadfadh tionchar imirt orthu

Má tá baol ann go mbeidh tionchar ag na moltaí ar do chuid réadmhaoine, tá litir faighte sa phost agat a shonraíonn conas dul i dteagmháil leis an Údarás Náisiúnta lompair. Beidh ionadaí teagmhála réadmhaoine tiomnaithe ar fáil chun bualadh le húinéirí réadmhaoine aonair agus an t-eolas is déanaí faoin tionscadal a thabhairt dóibh.

### 5.2 Ceisteanna ginearálta

Tá rannán tiomnaithe ag suíomh gréasáin an tionscadail [www.busconnects.ie](http://www.busconnects.ie) le heolas faoi Thionscadal na gConairí Bus Lárnacha. Féadfaidh úsáideoirí dul ar an suíomh chun tuilleadh a fhoghlaim faoin dtionscadal agus cóipeanna de na príomhstaidéir a rinneadh a íoslódáil.

Féadfaidh ceisteanna ginearálta a dhíriú chuig an Uimhir Shaorghlao - **1800 303 653** nó a chur tríd an r-phost chuig [cbc@busconnects.ie](mailto:cbc@busconnects.ie)

### 5.3 Conas páirt a ghlacadh

Táimid ag lorg iarratas maidir leis na moltaí atá leagtha amach sa Doiciméad Comhairliúcháin Phoiblí.

Is féidir iarratais scríofa agus tuairimí a dhéanamh:

#### Ar líne:

Tríd an bhfoirm ar líne sa chuid "Comhairliúchán Poiblí" de leathanach na gConairí Bus Lárnacha ar an suíomh: [www.busconnects.ie](http://www.busconnects.ie)

#### Nó tríd an r-phost chuig:

[cbc@busconnects.ie](mailto:cbc@busconnects.ie)

#### Nó tríd an bpost:

##### Tionscadal na gConairí Bus Lárnacha

An tÚdarás Náisiúnta lompair

Dún Scéine

Lána Fhearchair

Baile Átha Cliath 2

D02 WT20



## 6. Aguisíní


Treoirléarscáil  
Léarscáileanna bealaigh



# Ráth Fearnán > Lár na Cathrach

## Index Map


Conairí Bus Lárnacha BusConnects  
12: Ráth Fearnán > Lár na Cathrach



NOTE: The Emerging Preferred Route shown on the following drawings is indicative only and is subject to change following consultation and as part of the design development process.

# Ráth Fearnáin > Lár na Cathrach


## Index Map (continued)




NOTE: The Emerging Preferred Route shown on the following drawings is indicative only and is subject to change following consultation and as part of the design development process.


## MAP 1: Emerging Preferred Route

© Ordnance Survey Ireland Government of Ireland. All rights reserved. Licence Number EN 0082118 National Transport Authority.





Conairí Bus Lárnacha BusConnects  
12: Ráth Fearnán > Lár na Cathrach  
MAP 2: Emerging Preferred Route





Conairí Bus Lárnacha BusConnects  
12: Ráth Fearnán > Lár na Cathrach  
MAP 4: Emerging Preferred Route







Conairí Bus Lárnacha BusConnects

12: Ráth Fearnán > Lár na Cathrach

## MAP 6: Emerging Preferred Route







Conairí Bus Lárnacha BusConnects


12: Ráth Fearnán > Lár na Cathrach

## MAP 8: Emerging Preferred Route







Conairí Bus Lárnacha BusConnects  
12: Ráth Fearnán > Lár na Cathrach  
MAP 10: Emerging Preferred Route




© Ordnance Survey Ireland Government of Ireland. All rights reserved. Licence Number EN 0082118 National Transport Authority.




Conairí Bus Lárnacha BusConnects  
**12: Ráth Fearnán > Lár na Cathrach**  
**MAP 12A: Emerging Preferred Route**







## MAP 14A: Emerging Preferred Route





Conairí Bus Lárnacha BusConnects  
12: Ráth Fearnán > Lár na Cathrach  
MAP 15A: Emerging Preferred Route



## MAP 16A: Emerging Preferred Route










Conairí Bus Lárnacha BusConnects  
12: Ráth Fearnán > Lár na Cathrach  
MAP 11B: Emerging Preferred Route


© Ordnance Survey Ireland Government of Ireland. All rights reserved. Licence Number EN 0082118 National Transport Authority.







Conairí Bus Lárnacha BusConnects  
12: Ráth Fearnán > Lár na Cathrach  
MAP 13B: Emerging Preferred Route








Conairí Bus Lárnacha BusConnects  
12: Ráth Fearnán > Lár na Cathrach  
MAP 15B: Emerging Preferred Route
















Conairí Bus Lárnacha BusConnects  
12: Ráth Fearnán > Lár na Cathrach  
MAP 21B: Emerging Preferred Route



Conairí Bus Lárnacha BusConnects  
**12: Ráth Fearnán > Lár na Cathrach**  
**MAP 22B: Emerging Preferred Route**







An tÚdarás Náisiúnta Iompair  
Dún Scéine  
Lána Fhearchair  
Baile Átha Cliath 2  
D02 WT20

[www.busconnects.ie](http://www.busconnects.ie)



**Project Ireland 2040**  
*Building Ireland's Future*